

“Елімізде жүзден астам этностар мен ондаған діни конфессиялар бар. Ислам және православие діндеріне енетін халық саны Республикада басым болғанымен, қоғам өмірінде өзге діндердің ықпалы айтарлықтай кесірін тигізіп жатқан жайлары да бар. Сол себепті әскери азаматтар мен әскери ұжымдар арасында лаңкестік пен діни экстремизмнің алдын алу іс-шаралары мен жастарды патриоттық сезімге бағыттау жұмыстарын жүргізу заман талабы тудырып отыр”, – дейді Құрлық әскерлері Әскери институтымыздың идеологиялық жұмыстар және арнайы насихаттау жөніндегі аға офицері майор Нұрмаханов Азамат Нұрмаханұлы.

Біз білім алатын атаулы білім ордасы Құрлық әскерлерінің Әскери институты өзінің қырық жылдан астам тарихымен ерекшеленеді. Әскери салада өз ісінің маманы атанған көптеген генералдар мен кадрлы офицерлерді дайындап шығаруда Еліміздегі Қарулы Күштерімізге өз үлесін қосып келе жатқан белгілі оқу орны. Жас кадрлы офицерлерді жан-жақты біліммен қамтамасыз ету, әскери саланың нағыз маманы етіп дайындау институт басшылығының басты мақсаты. Сонымен қатар курсанттар қоғам мен саяси өмірде болып жатқан жаңалықтардан үнемі хабардар. Әскери институтымыздағы әскери салаға жаңадан қадам басқан жас курсанттармен, барша әскери қызметшілермен ланкестік пен діни экстремизмнің алдын алу және қарсы әрекет ету іс-шараларын жүргізетін майор Нұрмаханов Азамат Нұрмаханұлы институтымыздың курсанттарымен сұхбаттасу барысында бізді Қазақстан Республикасының Дін туралы заңнамасымен таныстыра отырып, сөзін кезектегідей өрбітті:

– Қоғамның дінге деген түсініктерінің әрқилы болғаны тарихтан белгілі. Кейбір мемлекеттер бір дінді алға шығарып, соған сенуді әрбір азаматтың міндеті ретінде санаса, кейбірінде халықтың құдай мен дінге деген сеніміне тұсау салған. Ондай тәжірибе социалистік қоғам орнатқан елдерде болады, әлі де соның сарқыншақтары кейбір елдерде сақталуда. Ал қазіргі таңда өркениеттік

жолға түскен Қазақстан Республикасында діни сенім бостандығы адам құқығы ретінде мойындалып отыр.

Тәуелсіздік алған жылдары дін мәселелерін реттеуші құқықтық жол қалыптастырды. 1992 жылы қабылданған Қазақстан Республикасының «Діни сенім бостандығы және діни бірлестіктері туралы» заң қабылданды. Бұл заңда барлық конфессия діндарларына қызметтерін еркін атқаруына толықтай еркіндік берілген болатын. Алайда уақыт өте келе бұл заң жобаларына түрлі өзгертулер мен толықтырулар енгізіліп отырылды. Соңғы өзгеру 2011 жылы 11-қазанда Бас қолбасшы Нұрсұлтан Әбішұлы Назарбаевтың бастамасымен «Діни қызмет және діни ұйымдар» заңға қол қойды.

Осы заң Қазақстан Республикасының өз демократиялық зайырлы мемлекет ретінде орнықтыратын, әркімнің ар-ождан бостандығын растайтын, әркімнің діни нанымына қарамастан тең құқылы болуына кепілдік беретін, халықтың мәдениетінің дамуы мен рухани өмірінде ханафи бағытындағы исламның және православтық христиандық тарихи рөлін танитын, Қазақстан халқының діни мұрасымен үйлесетін басқа да діндерді құрметтейтін конфессиялық келісімнің діни тағаттылықтық және азаматтардың діни нанымдарын құрметтеудің маңыздылығын танитыны негізге алынды. Сондай-ақ осы заңда көрсетілген 3-тараудың 7-бабының 3-тармағындағы; Қарулы Күштердің, басқа да әскери құрылымдардың, сот және құқық қорғау органдарының қоғамдық қауіпсіздікті қамтамасыз ету мен жеке тұлғалардың өмірі мен денсаулығын қоғаммен байланысты және басқа да қызметшілердің діни білім беру ұйымдарын қоспағанда, білім беру ұйымдарының аумағында және ғимараттарында жол бермейтіндігі анық көрсетілген екендігін барша курсанттарға айқын түсіндіріп өтті. Белгіленген ережелер мен заңнамаларды барлық әскери қызметшілер білуге тиіс екендігін, сондай-ақ оны бұзған жағдайда заңды жауапкершілікке тартылатынын мысал келдірулер арқылы көрсетті.

**Жақсылық Наржан,
ҚӘӨИ-ның 6-рота курсанты.**